



BOSANSKOHERCEGOVAČKI AUTO - MOTO KLUB

**INFORMACIJA O UKUPNOM BROJU AKTIVNIH I
PROIZVEDENIH/IZRAĐENIH VOZAČKIH DOZVOLA U BIH
U PERIODU JANUAR - DECEMBAR 2015**

Mart 2015. godine

SADRŽAJ

SADRŽAJ.....	2
UVOD.....	3
BROJ AKTIVNIH VOZAČKIH DOZVOLA U BIH.....	3
PROIZVEDENO/IZRAĐENO VOZAČKIH DOZVOLA U 2015.GODINI.....	5
BROJ AKTIVNIH VOZAČKIH DOZVOLA U BIH PREMA POLU.....	6
ODNOS BROJA AKTIVNIH VOZAČKIH DOZVOLA I BROJA REGISTROVANIH CESTOVNIH MOTORNIH VOZILA U BIH ZA 2015.GODINU.....	7

UVOD

U nastojanju da prikupi i objavi sve podatke iz oblasti cestovnog saobraćaja Sektor za informisanje i dokumentaciju (SID) BIHAMK je pripremio i Informaciju o ukupnom broju aktivnih i izrađenih vozačkih dozvola u BiH u 2015. godini.

Podaci o broju aktivnih vozačkih dozvola i broju izrađenih vozačkih dozvola u BiH za 2010-2014.godinu kao i u 2015.godini dobijeni su uglavnom od Agencije za identifikacione dokumente, evidenciju i razmjenu podataka (IDDEEA), MUP-ova i iz vlastitih izvora.

BROJ AKTIVNIH VOZAČKIH DOZVOLA U BIH

Prema statističkim podacima dobijenim od Agencije za identifikacione dokumente, evidenciju i razmjenu podataka u Bosni i Hercegovini u protekloj 2015. godini zaključno sa 31. decembrom/prosincem aktivno je bilo **1.280.144** vozačke dozvole.

U tabeli 1. dati je prikaz aktivnih vozačkih dozvola u BiH za 2014. i 2015.godinu:

	Ukupan broj aktivnih VD u 2014.godini	Ukupan broj aktivnih VD u 2015.godini	Procentualno učešće u 2015.godini
Federacija BiH	754.082	782.605	61,07 %
Republika Srpska	458.507	465.362	36,35 %
Distrikt Brčko	31.257	32.177	2,58 %
Ukupno u BiH	1.243.846	1.280.144	100 %

Tabela 1. Ukupan broj aktivnih vozačkih dozvola u BiH u 2015.godini

Posmatrajući naprijed navedene podatke vidljivo je da je tokom protekle godine povećan ukupan broj aktivnih vozačkih dozvola za **36.298** aktivnu vozačku dozvolu ili za **2,92%** u 2015.godini u odnosu na 2014.godinu.

Najveći broj aktivnih vozačkih dozvola evidentiran je u Federaciji BiH i to **782.605** ili **61,07 %** od ukupnog broja aktivnih vozačkih dozvola na području BiH, u Republici Srpskoj **465.362** ili **36,35%** od ukupnog broja aktivnih vozačkih dozvola na području BiH, dok je u Distriktu Brčko aktivno **32.177** vozačkih dozvola ili **2,58 %** od ukupnog broja aktivnih vozačkih dozvola na području BiH.

Ukoliko posmatramo navedene podatke (tabela 1.) o broju aktivnih vozačkih dozvola po entitetima u BiH za 2015.godinu primjećujemo da je u FBiH došlo do značajnog povećanja broja aktivnih vozačkih dozvola i to za **28.523** ili **3,78%**, kao i u Distriktu Brčko za **920** ili **2,86%**, dok je u RS primjetno nešto manje povećanje broja aktivnih vozačkih dozvola u odnosu na preostale entitete i iznosi **6.855** ili **1.5%** u 2015.godini u odnosu na 2014.godinu.

Detaljan prikaz broja aktivnih vozačkih dozvola po kantonima u FBiH u 2014. i 2015.godini dat je u tabeli 2.

KANTON	Ukupan broj aktivnih vozačkih dozvola u 2014.godini	Ukupan broj aktivnih vozačkih dozvola u 2015.godini	Procentualno učešće pojedinih kantona u 2015.godini
KS	158.664	165.378	21,14 %
TK	162.057	166.490	21,33 %
ZDK	118.843	123.050	15,72 %
USK	85.032	88.497	11,31 %
HNK	78.412	81.937	10,46 %
SBK	75.479	79.277	10,13%
ZHK	33.829	34.851	4,44 %
K10	21.074	21.600	2,75%
PK	12.899	13.240	1,68 %
BPK	7.793	8.285	1,05 %
UKUPNO FBiH	754.082	782.362	100 %

Tabela 2. Detaljan prikaz broja aktivnih vozačkih dozvola po kantonima u FBiH u 2013. i 2014.godini

Najveći broj aktivnih vozačkih dozvola evidentiran je u **Tuzlanskom kantonu** i to **166.490** ili procentualno **21,33 %** od ukupnog broja aktivnih vozačkih dozvola na području FBiH u 2015.godini, na drugom mjestu nalazi se **Kanton Sarajevo** sa **165.378** aktivnih vozačkih dozvola ili **21,14 %** od ukupnog broja aktivnih vozačkih dozvola na području FBiH u 2015. godini, dok se na trećem mjestu nalazi se **Zeničko-dobojski kanton** sa brojem od **123.050** aktivnih vozačkih dozvola ili **15,72 %** od ukupnog broja aktivnih vozačkih dozvola na području FBiH u 2015.godini.

PROIZVEDENO/IZRAĐENO VOZAČKIH DOZVOLA U 2015.GODINI

Svake godine, pa tako i u 2015.godini, u Bosni i Hercegovini se izrađuje/proizvodi jedan broj novih aktivnih vozačkih dozvola, u koje spadaju prvi put izrađene, kao i obnovljene vozačke dozvole. Detaljan prikaz proizvedenih vozačkih dozvola u BiH po entitetima/distriktu i kantonima , dat je u slijedećoj tabeli.


KANTON	Ukupan broj izdatih vozačkih dozvola u 2014.godini	Ukupan broj izdatih vozačkih dozvola u 2015.godini
KS	62.050	31.842
TK	53.568	46.397
ZDK	44.491	50.805
USK	34.239	17.935
HNK	31.438	15.397
SBK	31.198	18.370
ZHK	11.603	8.992
K10	7.986	4.621
PK	5.610	2.868
BPK	3.282	1.773
FBiH	285.565	182.123
RS	165.429	102.167
DISTRIKT BRČKO	11.636	5.332
UKUPNO	462.630	289.622

Tabela 3. Detaljan prikaz proizvedenih/izrađenih vozačkih dozvola po entitetima/distriktu i kantonima u BiH u 2015. godini

Podaci navedeni u predhodnoj tabeli ukazuju da je tokom 2014. godine došlo do značajnog povećanja izdatih vozačkih dozvola, obzirom da je zbog primjene novog Zakona o vozačkim dozvolama većina vozača iste izradila u 2004. godini, pa su zbog isteka važnosti produžene tokom 2014.godine. Jedan dio vozačkih dozvola izdat je i tokom 2005. godine, pa je trend značajnog povećanja produženih vozačkih dozvola nastavljen i tokom protekle godine, ali sa manjim intenzitetom.

BROJ AKTIVNIH VOZAČKIH DOZVOLA U BIH PREMA POLU

Prema podacima koje smo dobili od Agencije za identifikacione dokumente, evidenciju i razmjenu podataka BiH (IDDEEA) u 2015.godini je izdato ukupno **200.216** aktivnih vozačkih dozvola osoba/lica muškog pola ili **69,13%** od ukupnog broja izdatih vozačkih dozvola, dok je **89.406** izdatih vozačkih dozvola osoba/lica ženskog pola, odnosno **30,87%** od ukupnog broja izdatih vozačkih dozvola, što je grafički prikazano na slici 1.



Slika 1. Procentualno učešće izdatih vozačkih dozvola prema polu u BiH za 2015.godinu

U sljedećoj tabeli je prikazan ukupan broj izdatih vozačkih dozvola prema polu u entitetima/distriktu:

	Ukupan broj izdatih VD koje posjeduju muškarci u 2015. godini	Udio(%) u ukupnom broju izdatih VD	Ukupan broj izdatih VD koje posjeduju žene u 2014. godini	Udio(%) u ukupnom broju izdatih VD
Federacija BiH	125.732	67,1%	56.391	32,9 %
Republika Srpska	71.141	69,6%	31.026	30,4 %
Distrikt Brčko	3.343	62,69%	1.989	37,31 %
Ukupno u BiH	200.216	69,13%	89.406	30,87 %

Tabela 4. Detaljan prikaz izdatih vozačkih dozvola po entitetima/distriktu i polu u BiH u 2015.

godini

Detaljan prikaz broja izdatih vozačkih dozvola po kantonima u FBiH i polu u 2015.godini dat je u tabeli 5.

PODRUČJE	BROJ IZDATIH VD ZA MUŠKARCE	%	BROJ IZDATIH VD ZA ŽENE	%
KS	20.644	64,8	11.198	35,2
TK	33.800	72,8	12.597	27,2
ZDK	23.909	72,7	8.961	27,3
USK	11.641	64,8	6.294	35,2
HNK	10.839	65,9	5.616	34,1
SBK	13.138	71,1	5.332	28,9
ZHK	5.541	61,6	3.451	38,4
K10	3.076	66,6	1.545	33,4
PK	1.826	63,6	1.042	36,4
BPK	1.318	74,3	455	25,7
UKUPNO FBiH	125.732	67,1	56.391	32,9

Tabela 5. Detaljan prikaz izdatih vozačkih dozvola po kantonima i polu u BiH u 2015. godini

Ukoliko posmatramo podatke u tabeli 5. uočićemo da je najveći procenat osoba ženskog pola vozača u Zapadno-hercegovačkom kantonu 38,4%, zatim slijedi Posavski kanton sa 36,4 %, dok je na trećem mjestu po broju osoba ženskog pola vozača Unsko - sanski kanton sa 35,2% .

CESTOVNIH MOTORNIH VOZILA U BIH ZA 2015.GODINU

Prema prikupljenim podacima u nastavku slijedi uporedni prikaz broja registrovanih cestovnih motornih vozila i broja aktivnih vozačkih dozvola po entitetima/distriktu u BiH za 2015.godinu:

ENTITET/DISTRIKT	BROJ AKTIVNIH VOZAČKIH DOZVOLA U 2015.GODINI	BROJ REGISTROVANIH MOTORNIH VOZILA U 2015.GODINI	RAZLIKA VD U ODNOSU NA REG.VOZ.
FBiH	782.605	587.017	195.588
RS	465.362	335.775	129.587
BRČKO DISTRIKT	32.177	29.803	2.374
UKUPNO	1.280.144	952.595	327.549

Tabela 4. Ukupan broj registrovanih cestovnih motornih vozila i broj aktivnih vozačkih dozvola po entitetima/distriktu u BiH za 2015.godinu

Ukoliko posmatramo navedene podatke o ukupnom broju registrovanih cestovnih motornih vozila i broju aktivnih vozačkih dozvola u BiH za 2015. godinu primjećujemo da je broj aktivnih vozačkih dozvola veći od broja registrovanih cestovnih motornih vozila u oba entiteta kao i u Distriktu i to za **327.549** ili **34,4%**. Gledano procentualno u FBiH ima **33,3 %** više aktivnih vozačkih dozvola nego registrovanih cestovnih motornih vozila, u RS **38,6 %** više aktivnih vozačkih dozvola nego registrovanih cestovnih motornih vozila dok u Brčko Distriktu ima **7,97 %** više aktivnih vozačkih dozvola nego registrovanih cestovnih motornih vozila.

Iz predhodne tabele vidimo da u BiH ima **322.203** više aktivnih vozačkih dozvola nego registrovanih cestovnih motornih vozila tj. da na 3 aktivne vozačke dozvole uslovno dođe 1 cestovno motorno vozilo ili procentualno izraženo više od **65 %** osoba koji posjeduju aktivnu vozačku dozvolu posjeduju i vlastito motorno vozilo.

Prema podacima Agencije za statistiku BiH¹ u BiH živi 3.843.126 stanovnika, ako uzmemo da prosječno u domaćinstvu žive 3 stanovnika/osobe, dobijemo da u BiH imamo 1.281.042 domaćinstava, što vezano za našu analizu znači da u BiH uslovno **65%** domaćinstava posjeduje cestovno motorno vozilo.

¹ http://www.bhas.ba/?option=com_content&view=article&id=52&itemid=80&lang=ba